

人所謂風聞行事者如此故老至今傳誦因記之云

卷之五十七

雜錄二

舊事二

屯村古為市南名前屯市北名後屯市宋建炎二年車駕駐長橋守將巨師古遣部將趙禹屯屯市時士民隨駕南渡寄居此地者千餘家元至正十六年張士誠遣其弟士德據吳江分兵譚道濟寨守屯市東關控扼秀州松江二要衝二十六年徐相國下吳江州隨往松江經屯市道濟迎降命掣兵屯秀州國初差繁法密居民往往脫籍遷徙地多閒曠乃易市為村

本屯村志

平思忠未貴時知縣蔣奎延一相者問休咎徧視在座其言皆不大了了思忠時給事堂下相者數目之奎因呼上使相相者曰此人他日當貴至三品然不終奎大笑相者去奎謂座客曰術士之妄如此一小吏安能至三品乎後奎坐事自殺同僚無顯者思忠竟如其言

見西村集

吳江縣志

卷五十七

舊事

十一

永樂中浙江新昌縣人盧讓董讓者綁其主簿郭讓赴京行至吳江平望鎮夜被盜殺盧等三十餘人蓋郭陰倩人為之也郭遂逸去具奏賴郡守李慶辨其誣而郭亦死縣人為之語曰三讓不讓一邑禍降一慶有慶百里全命

遂宏仁和縣人元太學生永樂十三年舉授吳江教諭學問該博無書不讀然性近迂腐御史陳智巡按至吳江怪其衣冠不肅斥之謂何以為師範及試以河圖洛書論宏立就文辭瀏亮智覽之驚服

見莫旦松陵志

盛啓東一日在御藥局與院判金華韓叔賜對奕成祖忽至二人驚起叩頭待罪詔勿撤局凭几觀勝敗因御製醉太平詞一闕以賜詞云法陰陽兩儀分正直多岐楸枰方整象坤維誓平分彼此指東陲擊西陲出出皆奇計進攻圍退堅圍著著皆雄勢勝乘危負安危處處總無墮看羸輸是誰仍命作詩啓東詩云萬方寧謐庶黎安寶鼎光浮炫大丹奕對陛前敲玉局恩從天上駐金鑾無能敢效神仙著有幸欽承聖主觀白髮小臣逢盛事高呼拜舞不勝歡其寵遇如是



明初吳江縣民謫衛所軍者凡八千二百七十二名其有故疾及逃而營無丁者例行原籍取其子弟若孫補之宣德三年兵部發軍衛每歲所具軍之故疾及逃名籍下蘇州府府委同知張徽清解徹刻深敢忍所治皆窮竟根柢凡戶絕無丁者解同姓昆弟之子孫雖越在他籍亦百計文致之期於必得同姓盡則女壻女壻盡則軍產有佃田不及晦而繼補其役者甚至爲軍胎民籍之名謂軍丁死妻更適他人家所生也巧誣深詆一切陷入無得脫者所至擇豪敢吏爲耳目爪牙專任勢作威交通請謁縣有舊張主簿者其魁也調奉惡用竝緣爲姦利又峻匿報法軍丁扶同不解補解補不至衛者糧里長老人以下至書手鄰人解者皆連坐有一家而累數十人充軍或死杖下者每引審則謂曰爾欲作軍乎作鬼乎其人稍自辨立糜爛庭中由是無曲直皆望風誣服退而自經於林木者相望也民搗手重足噤不敢出聲哭當其來時必有死者嘗大雪道上纍纍然如墩者皆屍也又以縣當要衝多達官往來恐不便其所爲乃住同里鎮縣官及吏忤空一縣

## 吳江縣志

### 卷五十七

舊事

十三

從之所殺則立命相驗移府嘗出告諭吏民曰敢有違者罪在必死跡其心甘於任縱無忌憚若此縣民被冤爲軍者總四百七十三名而被殺者不可勝計以一府七縣計之則其數愈多矣五年知府況鐘上奏曰臣以刀筆小材擢守大郡得降璽書俾臣得專職言事恩至渥也臣夙夜兢惕以圖報稱萬一至於簿書期會此乃有司之常非臣之所以報陛下而陛下之所望於臣也其有事體得失民生休戚臣敢不罄竭狂愚爲陛下陳之伏惟聖明察焉臣自上任以來每遇出入則蘇人攜老扶幼填塞道路號哭呼天臣問其故皆云祖父以來素非軍籍先被清軍同知張徽橫加誣枉逼令認軍使子子孫孫永淪軍役無有出期臣照見其情指深可哀憫然恐爲非實令其入狀通一千二百九十七名行屬勘結續據屬縣開申俱稱各人有雖與故軍同姓而分析在前充軍在後者有娶軍女爲妻而非同居共籍者有佃種軍人田地者有母雖軍妻改嫁民間後夫所生而非故軍遺腹年月可攷者有身爲里役而所報軍丁不曾隱匿者皆被清軍官拘於文法嚴



刑逼認而各該屬里斬在免死順指出從各人委係民籍不應繼補臣又廣詢父老博訪輿情參諸聞見咸與所言不異臣伏觀聖朝所頒軍政條例別無同姓異籍及異姓各居繼補之文至於佃種軍田後夫產子尤理之所無謂者今用事之人舞文法外不擇當否悉驅羅網而駢駕之其意以能爲國家益數千百輩軍殊不知事體非宜爲國生怨其失尤大也昔齊魯長勺之戰曹劌見魯莊公問何以戰自衣食必分犧牲必信咸謂不足以當之至小大之獄必以情始曰可以一戰蓋治獄無寬人心思奮其戰自倍故耳夫清軍所以爲戰備也今枉濫若此民怨其上欲使之戰得乎藉使董之以威驅之以勢懼之以刑不過勉就行列耳求其摧鋒陷陣出死力以衛其上者亡幾矣伏願陛下明勅二三大臣集議深以大體爲情勿顧小效洗濯其冤而釋之使天下之民皆知聖朝之不濫及無辜也臣不勝憂國愛民之至昧死謹上於是敕巡撫京畿刑部右侍郎成均勘覈相同造冊奏繳兵部議以各軍例該放免第食糧年久止終其本身死不勾丁而吳江縣得

## 吳江縣志

### 卷五十七

舊事

十四

釋三百五十二名後巡按御史曹習古又上奏雪冤吳江縣釋一百六名蘇州府同知王貴又申前奏吳江得釋一十五名皆開其名伍由是張徽所冤者盡昭雪矣

見史志

正統中吳江縣丞王懋本九載滿去忽一日陞知縣賈憑而來時見任知縣龔貴愕曰我未滿焉得有此王曰我奉吏部陞任由是兩令於公堂竝坐各默不語數日縣民羣造庭拜跪再三勸解龔乃恬退起送赴部改任武進陞知杭州過吳江王出迎晏餞時景泰二年也

景泰中嘉興妖人許道師以妖術行江湖間至尹山托居民家夜稍出光怪愚民相率從之事覺巡撫王文發卒捕之道師縱火燒民舍掠贖積驅子女出震澤官兵夾岸追逐道師載重舟覆邑人唐孟高擒送京師斬之一時官民多以功遷賞

景泰六年刑科給事中徐正先以參贊軍務乞陞都御史不遂乃與冠帶軍餘汪祥謀請帝御殿言機密事帝亟召對至則乞屏左右乃言太上臨御日久沂王曾正東



宮爲人心所嚮乞出之封他郡以絕窺伺帝大驚怒指之曰作死作死卽扶出之周雲南臨安衛經歷又使邏者跡之乃戀所狎奴不行下錦衣獄具狀上謫戍遼東嶺衛太上復辟逮至京凌遲三日示衆籍其家父兄弟處死汪祥棄市見國朝叢記

傅維鱗明書姦回傳曰徐正吳江人業微父爲人治刀筆詞訟而正少年美貌能文人見輒詫恨曰無天耶徐氏生此兒正舉進士授給事中侍英宗左右上愛之嘗撫慰曰勉哉將大用爾然正小人駟贖沾沾無所以當上者英宗北狩還遜於南宮正密疏於景皇帝曰太上皇社稷罪人今過奉非計且下或借爲奇貨宜有以處之夫爲天下不顧家陛下母愛此名也帝心難之不用又數載正已遷大理少卿英宗復辟見正勞曰卿故侍吾給事耶日召對賜金帛酒食而正亦且幸疏毀不發矣會英宗坐便殿旋風吹文書墮地取覽乃正疏也怒甚連發使召之至則投疏令自拾正愧奪噤不能對反接凌遲於市籍其家今按正旣謫戍遼東鐵嶺衛則無遷大理少卿英宗勞賜二事并州二史考嘗辨之因此傳前後所

# 吳江縣志

## 卷五十七 舊事

十五

載深足警懼人故附列焉

天順間邑人李銘一夕於市中見溝渠有光私識之往發獲一壺乃沈萬三家瑪瑙酒壺其質透明類水晶中有葡萄一枝如墨點號月下葡萄籍沒後爲吏梅元衡所得不知何自墮落溝渠銘旣得此壺有劉姓者謂曰若持此獻鎮守張太監可得僉嘉興一郡鹽鈔李喜諾遂與之黃緣果獲所圖計利三千金劉分其三分之一李領鈔渡江舟覆皆濕毀太守楊維宗追捕前鈔痕死獄中劉廢產以償之本傳幢小品鄉賢祠先奉梓潼之神成化五年提學陳御史選移文革去采訪本邑鄉先正之有名德者自張季鷹而下一十三人立牌位以奉之

憲孝之間世運熙洽海內日興於藝文而吳尤稱多士於時若杜用嘉陳孟賢二公以高年爲諸儒倡最先有名繼則史明古沈啓南輩相踵而起雖其造詣或殊大抵博雅有文行義修潔出入則古衣冠人望而起徵部使者若郡縣大夫側行撤席將迎恐後縉紳過郡中者輒造其廬而請焉高標遠韻照映一時鄉人至今



稱之不衰

見吳名世國朝名德錄

弘治七年大水田泮幾盡金尹洪勸災向民泣曰民傷已盡可重傷乎以全災上聞得允至今談者德之嘉靖中曹令一麟勸災至滄處圩大而水深者怒曰此湖也杖引路者民泣曰此田從春時苗沈水底可證取出爛苗視之不信數處皆然謂無傷禾稼以復上臺人謂與金尹勸災異矣

見水考

知縣金洪之始祖安節字彥章休寧人宋孝宗時權吏部尚書卒謚忠肅次子儀遷吳江建祠於所居旁洪來為知縣整新祠宇復置田十三畝供祭祀今俗呼金家庵云

本葉紳重修金氏家祠記

松陵沈詞隱先生璟於曲學法律甚精汎濫極博斤斤返古力障狂瀾中興之功良不可沒與同里顧學憲道行並畜聲伎為香山洛社之遊所著詞曲甚富每客至談及聲律輒娓娓剖析終日不置嘗一命余序南九宮譜既就梓誤以均為韻余請改正先生復札巽詞為謝比札至而先生已捐館舍矣先是數年道行先生

# 吳江縣志

## 卷五十七

舊事

十六

亦卒自兩先生沒而吳中遂無復有繼其迹者矣

見王伯良曲律

論曰自樂府之遞變也至元而有南北曲之分其時北方之氣運方隆北盛於

南明太祖定鼎金陵氣運亦轉而南於是南音始競追考立宮調之初以黃鐘

以下十二律乘宮商角徵羽及半宮半徵為七音每音得十二調共成八十四

調後世頗厭其繁去徵音及二變不用餘四音乘十二律共成四十八調而其

中以宮聲乘律皆呼為宮以商角羽三聲乘律皆呼為調然自宋以來四十八

調不能具存北曲僅存中原音韻所載之六宮十一調南曲僅存昆陵蔣維忠

所譜之九宮十三調每調各錄舊詞為式又駸駸失傳詞隱先生乃增補而校

定之辨別體製分釐宮調詳核正犯考定四聲指摘誤韻較勘同異句梳字櫛

至嚴至密而腔調則悉遵魏良輔所改崑腔以其宛轉悠揚品格在諸腔之上

其板眼節奏一定不可假借天下翕然宗之又有論詞六則唱曲當知正吳編

諸作皆為度曲家楷模百餘年來莫敢稍易其挽回南曲之功可謂多矣若先



生所自著詞曲則有紅蕖桃符等十七記詞隱新詞諸散曲皆依宮商調不失  
矩度當時與臨川湯若士齊名湯以才藻勝而矩度不甚協故兩人相齟齬云

徐大業書南  
詞全譜後

萬曆己卯大水錢糧徵比不堪里中曹燁作陸沈嘆以傷之仍為本里代辦災銀  
七十餘金戊子大旱禾盡槁死民食乏絕燁憫焉恨家落無以濟作憔悴吟

見市  
村志

沈子勺兄環鄉里目為詞隱先生居家未嘗廢絲竹有子恒失學子勺去官身為  
塾師教其兄子一門之內一選伎徵聲一尋章索句論者比之顧東橋兄弟云

見明  
詩綜

袁了凡好談地理曾訪至光福問一老農曰聞此地有佳穴對曰小人生長於斯  
三十年矣但見帶紗帽者來尋地不見帶紗帽者來上墳袁恍然去

見昨非  
庵日纂

盛元玉者水性海禹定妻善畫美女求者恒盈門而吳幼峯承緒妻沈孺人善繡  
觀音乞繡者一金始得一幅水嗜酒吳嗜茶皆賴內力療貧周安期有句云水家  
盛氏吳家沈一號鍼神一畫師茶料酒資皆取給美人大士現身時幼峯子易即

## 吳江縣志

### 卷五十七

舊事

十七

沈出沈夢日而生易因字之曰日生

見詩  
粹

曹欽承江西德化人舉進士授吳江知縣贓污狼籍以淫刑博強項聲巡撫周起  
元劾之貶秩改順天教授去

見明  
史

萬曆庚申米價騰湧斗至百錢貧民苦之亡何平糴議起其法米價視時值減十  
之三盡籍邑中富民各出米照所評價售之多取者有罰富民列為三等米亦  
以其等為差上者三四千石中一二千石下亦四百石於是里甲因而為姦有需  
索不遂及平居睚眦之際者輒錄其名以入凡中人百金之家饘粥僅給無不人  
人自危矣又令里甲開報貧民貧民力不能行賄弗報也所報皆衙役市魁飲  
博流浪之徒每一人必詭開三四名多者或十餘名大要與里甲共分其利民  
不必真貧人不必實有也蓋按籍數至十萬而懸釜枵腹嗷嗷待哺之眾十不能  
得一焉名既入籍則給之票票注米若干價若干令執以糴於富民富民收而  
彙上之官官核其數如所定之額而止然糴必羣數十百人而往稍不如意蜂



擁奪去弗償價於是富民聞風驚懼卽有米秘弗出每石第與之錢三百往糴者實未必盡操價各欣然受錢歸弗問米矣每令出又時時鼓衆擁輿號呼若餓弗可忍者且極稱其全活百姓之德令見之輒喜輒令籍其名與之票票益多則益搜索民間之有米者米秘不出價益騰斗至一百五十錢里甲及衙役市魁所得錢頗豐則各沽酒市肉狂飲大嚼以鳴得意而貧民持錢竟無從得米往往乞憐於所嘗識善者然非昏夜往弗得也余邑民間鮮蓋藏無論中家卽號稱巨富歲費所贏不千石以上而令其出數千石傾困不足以應勢不得不求減求減必藉有力者居間或賄吏胥陰改其籍而嚮者所報貧民原與吏胥比周爲姦不必盡給票脫籍不可改則偽填所存空票彙而上之以充數大都每百石費可得三十金以其半爲購便可高枕富民屢搜索而屢不足以此是役也民間所費不下三四萬金十五歸之吏胥里甲及衙役市魁飲博流浪之徒所瓜分十四居間者十一而於貧民毫無裨焉後有聞之令者令震怒收十餘人繫獄榜笞甚毒欲置之

# 吳江縣志

## 卷五十七

舊事

十八

死越數日事竟寢嗟夫余於是而始信好名爲治之累也貧民艱食而上之人能設法以蘇之名豈不甚美然惟平居素有積貯賤入貴出如古常平法而後可否則大發帑金告糴隣境以爲商人招米旣輻輳價不期減而自減不務其大者而徒耽耽取給於一二稍有蓄聚之富民亦淺之乎爲惠矣且貧與富皆吾民也必奪諸彼以與此亦豈公平正大之體哉乃至貧民不得沾斗升之惠而僅以屬厭姦貪則又好名者之所深羞而不屑道也語云前事之不忘後事之師余故次述其詳以備考鏡云

見趙襄卿集

沈太常曾孫璨字季英萬曆十六年舉浙江武試第一充廣東潮州參將以病告歸熹宗元年遼陽陷沒募四方兵勤王有賈祥者故浙江參將籍白徒數千應募所過苛索道平望駐焉遣數卒先驅至城適理刑損船泊郵亭卒欲奪其船爭毆不勝赴水走天寒多死

按府志吳江練兵官唐堯輔諭以法賈兵毆之於是邑民遂殺數人

祥至駐船南關知之大

怒遂縱兵四掠璨憤然曰祥與吾有舊今在吾鄉敢爾耶會祥將詣璨璨曰彼技



素下今且奪其氣既到引遊後園命三子與較槍法祥不勝慚而出璨自此益屬  
縣官設備又使人宣言以恐之曰沈家貲財無算亦日練兵勤王其精銳不可當  
者千二百人祥信之明日璨往候乃簡家丁及各衙皂快得五百人隨往祥望見  
有懼色坐定論事璨慷慨陳利害多中祥頃之祥請璨各舞刀爲戲復角射控奔  
馬祥歎服愧謝先是璨聞祥數卒死卽夜告練兵百戶唐堯輔雇漁船載其尸埋  
諸下鄉及祥至遣數百人挾短刀擁入縣門大譁時署縣事同知全廷訓坐堂上  
理文書顏色不動叱吏胥避去徐曰爾輩欲何爲對曰地方擅殺援遼軍士尙不  
知邪廷訓曰軍士尸何在第取來吾卽爲爾窮治之數百人始逡巡出求尸不得  
祥莫能誰何而兵猶數出剽掠居民縛其魁六人以獻廷訓繫之獄祥益怒將大  
劫掠璨謂廷訓曰此屬皆烏合無能爲也集兵快來可以盡剿廷訓以其言聞於  
巡撫王元敬元敬曰祥雖無狀然藉名援遼不便剿况彼此格鬪傷人多不若取  
公帑千金託助餉名昇祥并釋還所繫六人善會是日璨挺身折服祥祥既膽落

# 吳江縣志

## 卷五十七

舊事

十九

又知城中有備且得金於是遂去縣人卒免於難璨之力爲多

周忠毅赴逮時從兄永年與同志數輩送之過吳門周忠介袖一金委永年致其  
行囊陳發交龍正治舟酌錦衣官旗於澗墅市人沈義日任橐餽之勞及遺骸出  
獄亦義親爲含殮後永年作詩紀其事云懷金納袖周忠介置酒臨岐陳發交沈  
義市人能取義忠骸收殮不相拋

本詩  
粹

文社始天啓甲子合吳郡金沙橋李僅十有一人張溥天如張采來章楊廷樞維  
斗楊彝子常顧夢麟麟士朱隗雲子王啓榮惠常周銓簡臣周鍾介生吳昌時來  
之錢梅彥林分主五經文字之選而效犇走以襄厥事者嘉興府學生孫淳孟樸  
也是日應社當其始取友尙隘而來之彥林謀推大之訖於四海於是自廣應社  
貴池劉城伯宗吳應箕次尾涇縣萬應隆道吉蕪湖沈士柱崑銅宣城沈壽民冒  
生成來會聲氣之孚先自應社始也崇禎之初嘉魚熊開元宰吳江進諸生而講  
藝於時孟樸里居結吳翻扶九吳允夏去盈沈應瑞聖符等肇舉復社於時雲間



有幾社浙西有聞社江北有南社江西有則社又有歷亭席社昆陽雲管社而吳門別有羽社匡社武林有讀書社山左有朋大社僉會於吳統合於復社復社始於戊辰成於己巳其盟書曰學不殖將落母蹈匪彝母讀非聖書母違老成人母矜厥長母以辯言亂政母干進喪乃身嗣今以往犯者小用諫大用損僉曰諾是役也孟樸渡淮泗歷齊魯以達於京師賢大夫士必審擇而定矜契然後進之於社故天如之言曰忘其身惟取友是亟義不辭難而千里必應三年之間若無孟樸則其道幾廢蓋先後大會者三復社之名動朝野孟樸勞居多然而歛怨深矣十年正月蘇州民按明史民當作監生陸文聲疏陳風俗之弊皆原於士子庶吉士張溥知臨川縣事張采倡立復社以亂天下思陵下提督學政御史倪元珙察覈倪公言諸生頌法孔子引其徒談經講學互相切劘文必先正品必賢良實非樹黨文聲以私憾妄許宜罪閣臣以公蒙飾降光祿寺錄事蘇州推官周之夔者與溥同年舉進士初亦入社至是希閣臣意墨經詣闕復許奏溥等樹黨挾持案久未結讞

# 吳江縣志

## 卷五十七

舊事

二十一

言罔極至有草檄以聲復社十罪者大略謂派則婁東吳下雲間學則天如維斗臥子上搖國柄下亂羣情行殊八俊三君迹近八關五鬼外乎黨者雖房杜不足言事業異吾盟者雖屈宋不足言文章或呼學究智囊或號行舟太保傳檄則星馳電發宴會則酒池肉林所云行舟傳檄殆指孟樸言之至十五年御史金毓峒給事中姜埰各上疏白其事始奉旨朝廷不以語言文事罪人復社一案準注銷後福藩稱制阮大鍼怨戊寅秋南國諸生顧杲等一百四十人之具防亂公揭也日思報復爰有王實鼎東南利孔久湮復社渠魁聚斂一疏大鍼語馬士英云孔門弟子三千而維斗等聚徒至萬不反何待至欲陳兵於江以爲防禦心知無是事而意在盡殺復社之主盟者時崑銅暨宜興陳貞慧定生輩皆就逮繫獄桐城錢秉鐙宣城沈壽民亡命得脫假令王師下江南少緩則復社諸君難乎免於白馬之禍矣見觀志居詩話萬曆以來李贄袁黃之說盛行於世黃子儼舉天啓乙丑進士師儒守令請祠



黃於鄉賢儼奉其狀見學使樊公樊公不應復以著書立教爲言公正色曰若無此著述亦不害其同年進士陸君亦爲其父廣文請祠而以爵卑爲嫌公闕其狀徐曰匹夫爲善於鄉身沒之後使人不忘即可從祀況士乎鄉賢之典以賢不以爵也許之因復代爲哀請而稱其著書有裨學者公復正色曰只爲多此著述故必不可旣退吏抱文書入公立批數十言末云提調官永不許濶請請者參處以爲創立邪說畔道背經學術之蠹賊名教之罪人立案吏以白儼儼奉書涕泣而去

見楊園見聞錄

按吳興李樂見聞雜記云余晚歲見有袁黃四書註全不用朱子語可知了凡著述之謬不止功過格等書所以樊公深非之而不許其列於鄉賢也夫了凡宦績甚偉其博覽載籍亦有過人者徒以理學紕繆爲樊公所斥則鄉賢之爲鉅典與昔人慎重鄉賢之意竝可見矣今爲人子孫者或藉此爲門戶光寵好爲增飾以誣其祖而有司亦第以善善欲長之意不復覈實推求遂使大典日輕而睥睨者日益衆也故特錄楊園此條以諗來者

## 吳江縣志

### 卷五十七

舊事

二十一

吳昌時少受業周忠毅宗建故與清流通聲氣而爲人墨而狡旣通籍日奔走權要探刺機密以炫鬻市重周延儒之再起也昌時爲通關節及爲首輔其辛未所取士馬世奇本延儒師力勸以正故初治事頗有賢聲而昌時則挾勢弄權大啓倖門延儒視師通州一晨而昌時之啓事入至帝密刺之知其交關狀而未發吏部舉行年例先擇選司故事副郎有調部者正郎不調部昌時欲持權使人誑家宰鄭三俊曰昌時持正有風力主年例爲宜遂從儀制正郎調文選事爲破格人皆側目及舉行年例出異已者十人於外一時大譁旣而御史蔣拱辰劾昌時贓私巨萬事多連延儒并言內通中官漏洩禁密事帝震怒御中左門親鞫之遂下獄論死且始有誅延儒意時魏藻德新人閣有寵謂其師薛國觀之賜死昌時實致之恨昌時甚因與陳演共排延儒掌錦衣者賂養性復騰蜚語帝遂命盡削延儒職勒其自盡而昌時棄市論者以爲二人無逃刑



帝能申法也昌時爲忠毅門人而與忠毅子不相能其用事者乃忠毅族子某拱辰將攻昌時誘周某而劫之曰昌時事若皆與輸實則舍若稍匿先置若死其人懼以實告故所劾事無虛者當廷鞠時用太祖所製儀刑器皆出內府凡抉齒裂吻之具咸備二百年來未嘗用乍用之無不震慄昌時遂欵伏或謂其折脛無所承非實也昌時旣鞠畢復膝行上前曰臣負陛下罪當死但劾臣之蔣拱辰亦有姦貪事負陛下因臚舉之帝問拱辰拱辰見鞠昌時刑嚴懼不能辨遂同下獄人謂昌時不惟姦貪且狠鷙云昌時適長兄昌期由舉人仕至貴州按察司副使母嘉興黃氏舉昌期蟠腸生懼而抱子歸母家不與夫同處昌時爲庶出子處吳江旣成進士而昌期沒無子家甚富昌時遂往而有之故明史謂昌時爲嘉興人也

崇禎甲申夏北都變聞不軌者洶洶思逞知縣葉翼雲以邑治孤懸四面環水舊設官兵四百名駐平望離城四十里而遙緩急不相應乃檄平望守備梅亮屯城

# 吳江縣志

## 卷五十七

舊事

二十二

外爲防禦計見愚庵集

前明三百年科第終於崇禎癸未吾邑之成進士者得八人焉科名之盛於斯爲極明亡而吳易以起兵死王景亮死節於閩顧之俊死於肇慶龐霖孫志儒趙庾鈕應斗竝以全節終古人每言不愧科名者非其尤著者耶當庾未第時與吳有涯張起竝爲孝廉有名周永年贈以詩舉張基朱陞宣之贈待詔相勗詩聞贈孝廉三待詔吳江得兩是朱張茂申將子青邱輩願爾當身各自強後起死肇慶有涯棄官歸隱與庾類皆能不負其言以是知國家養士之厚必食其報而師友之策勵其氣誼亦相感孚也平望胡梅字白叔生於闌閭少警悟能詩嘗遊三山寓曹學佺石倉園學佺爲之序沒後錢謙益選其詩入列朝詩集

## 卷之五十八

雜錄三

### 舊事三

大清順治元年四月民間傳李賊陷京師遠近無賴子有駕械船出沒江湖者五